

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Teočak**  
**Općinski načelnik**  
**Broj: 02-11-1001-6/22**  
**Teočak, 22.07.2022. godine**

Na osnovu člana 64. stav (1) tačka b), člana 70., 87. i 88. Zakona o javnim nabavkama („Službeni glasnik BiH“ broj: 39/14) i člana 43. Statuta Općine Teočak („Službeni bilten općine Teočak“ broj: 5/08, 2/12 i 01/22), Općinski načelnik d o n o s i:

### **O D L U K U**

o rezultatima okončanog postupka javne nabavke i izboru najpovoljnijeg ponuđača

#### **Član 1.**

Ugovor za nabavku građevinskih radova na uređenju-sanaciji svlačionice NK Teočak se dodjeljuje ponuđaču: „SOLO MAHER“ OR vl. Muratović Sadržmir po ponudi broj: 01/22 od 14.07.2022. godine za ponudenu cijenu od **24.126,72 KM** bez PDV-a kao najbolje ocijenjenom i jedinom pristiglom ponudom, a sve na osnovu Zapisnika o pregledu i ocjeni ponuda broj: 02-11-1001-5/22 završenog dana 21.07.2022. godine.

#### **Član 2.**

Prijedlog Ugovora dostavit će se na potpis izabranom ponuđaču: „SOLO MAHER“ OR vl. Muratović Sadržmir sa sjedištem u ulici Sniježnica bb, 75414 Teočak.

#### **Član 3.**

Izabrani ponuđač je obavezan u roku od 5 dana od dana prijema ove Odluke dostaviti dokaze o činjenicama navedenim u Izjavama koje su dostavljene u ponudi broj: 01/22.

#### **Član 4.**

Za izvršenje ove Odluke zadužuje se Služba za privredu, finansije, prostorno uređenje i civilnu zaštitu općine Teočak.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici Općine Teočak [www.teocak.gov.ba](http://www.teocak.gov.ba).

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1001-1/22 od 06.07.2022. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-43-3-13/22. Procijenjena vrijednost javne nabavke bez PDV-a je 19.800,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-1001-4/22 dana 21.07.2022. godine, Zapisnik o pregledu i ocjeni ponuda broj: 02-11-1001-5/22 završenog dana 21.07.2022. godine, u postupku javne nabavke: Nabavka građevinskih radova na uređenju-sanaciji svlačionice Nogometnog kluba Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 1 (jedna) i to ponuda od: „SOLO MAHER“ OR vl. Muratović Sadmir
- ukupan broj blagovremeno zaprimljenih ponuda je 1 (jedna) i to ponuda od: „SOLO MAHER“ OR vl. Muratović Sadmir.

Kriterij za ocjenu ponuda je najniža cijena.

Tehnički, pravno i ekonomski gledano, ponuda od ponuđača „SOLO MAHER“ OR vl. Muratović Sadmir je prihvatljiva. Ukupne ponuđena cijena je 24.126,72 KM bez obračunatog PDV-a, uz napomenu da ponuđač nije u sistemu PDV-a.

Budući da najpovoljnija ponuda prema kriteriju za dodjelu ugovora prelazi iznos planiranih sredstava, ugovorno tijelo ima mogućnost dodjele ugovora, ukoliko osigura nedostajeći iznos finansijskih sredstava za istu. Naime, članom 69. stav (2) tačka e) Zakona propisano je da ugovorno tijelo poništava postupak nabavke ako su cijene svih prihvatljivih ponuda znatno veće od osiguranih sredstava za predmetnu nabavku. Međutim ni Zakonom ni pripadajućim podzakonskim aktima nije propisano koje odstupanje se ima posmatrati kao „znatno veće“. Dakle, od raspoloživog budžeta, realizacije prethodnih nabavki tj. da li je potencijalno bilo ušteda po prethodnim ugovorima, stepenu prioriteta nabavke, hitnosti, da li je opravdano da se zbog realizacije konkretnog ugovora odustane od neke druge planirane nabavke ovisi da li će ugovorno tijelo u konkretnom slučaju nastaviti postupak ili isti poništiti u skladu sa članom 69. stav (2) tačka e) Zakona, a opet u odnosu od mogućnosti ugovornog tijela da osigura nedostajeći iznos finansijskih sredstava za ugovor koji bi trebao biti sklopljen. Konačna odluka o pomenutom pitanju je na ugovornom tijelu. Dalje, kao što je navedeno najpovoljniji ponuđač nije u sistemu PDV-a, a procijenjena vrijednost predmetne nabavke je 19.800,00 KM bez PDV-a, odnosno 23.166,00 KM sa PDV-om. Budžetom su planirana sredstva za ovaj postupak sa uključenim PDV-om. Uvažavajući sve navedeno, Ugovorni organ je u mogućnosti da obezbijedi dodatna sredstva za finansiranje ovih radova jer izabrani ponuđač nije u sistemu PDV-a, pa samim tim je i donešena Odluka o izboru najpovoljnijeg ponuđača.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove Odluke.

Dostavljeno:

- „SOLO MAHER“ OR
- a/a



Općinski načelnik

Talib Muminović